

"Aruba" titulo di un cancion

INTRODUCCION DI UN CANCION



ELLIS LOPEZ

SAN NICOLAS - Ta di enorme interes pa Antillas y Aruba en particular, pa e ritmo di tumba hanja bon acogida na Estados Unidos. Naturalmente mester di un persona pa propaganda nos tumba na Merca. Nos no ta duda ningun momento so cu tin diferente hende cu ta haciendo esaki. Nos por corda algun aña pasa cu artistanan Antilliano a presenta na Estados Unidos, na ocasion di "A.S.T.A. Convention" Pa menciona algun di e artistanan local cu a actua na e ocasion aki, Jossy Brokke Jr. y Milo Muyale. E jovennan aki a actua entre otro na Hotel "Thunderbird", "Sands", "Flamingo" y "Convention Hall".

Ellis Lopez ta un joven cu a bandona Aruba seis aña pasa pa establece su mes na Estados Unidos. Aki na Aruba ela traha pa espacio di ocho aña na e departamento di Relaciones Publicas di Lago. Tambe e tabata prins di carnaval di "Aruba Dramatic Club" na aña 1958. Na Estados Unidos sr. Ellis a sirbi den fuerzas armadas pa e temporada complementaria, e inmediatamente despues di esaki ela cuminsa tuma les den baillamento, "Ballroom dancing", na "Fred-Astaire Dancing Studio". Una vez cu ela finalisa su practica ela cuminsa ta traha pa e mesun empresa caminda ela siña

balla. Un paar di aña pasa ela worde acerca pa sr. John Salonz director regional di "Fred Astaire", cu e proposicion pa introduci ritmo di tumba den nan showman. Sr. John Salonz, ta e homber cu ta duna e empuje na henter e proyecto aki pa popularisa tumba na Estados Unidos. Pa haci Aruba un poco mas popular na Estados Unidos, Ellis a graba un melodia titula "Aruba". Tambe e tin otro melodianan graba relaciona cu Antillas. Ellis ta bisa nos cu actualmente nan ta trahando fuertemente riba e proyecto aki pa haci Aruba mas popular cu ta posible na Estados Unidos. Pa duna nos lectornan un idea mas o menos di e trabao cu ta worde haci nos ta trece letranan di e melodia "Aruba". E letranan aki ta di un Mericano, Don Christopher, musica ta di Judo Woldin.

"ARUBA"

Sunshine island of Aruba.

Where the bree-zes sing of eternal spring.

Sleepy beaches white as sugar.
Paint a picture meant for remembering.

Life is so romantic, never wild
of frantic.

Come and share this life with me.
On our island of Aruba.

We'll find romance as we walk
in the sun.

Two happy hearts that beat as
one.

Naturalmente nos lectornan lo ta ansioso pa scucha e melodia aki. Bueno, nos por bisa cu tur franquesa, cu ta un numero cu tantu grandi y chiquito lo gusta. Juventud pa su ritmo, y adultonan pa e berdad expresa den e letranan. Pronto e disco aki lo ta di venta na Aruba. Nos no por larga di bisa cu un noticia asina ta algu di ta trece berdadero alegria pa nos tur, sabiendo cu locual sigur nos tin mester den exterior ta propaganda favorable. Larga nos spera cu sr. Ellis Lopes lo continua cu su bon trabao.